



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1604

Certamen S. Onesimi, Discipuli S. Pauli Apostoli, primi post S. Timotheu, Ephesiorum Episcopi, ex eo quod est per Metaphrasten. Martyrium fortitèr consummauit anno Redemp. human. 110. Anaclet. 8. ...

urn:nbn:de:hbz:466:1-42667

* hunc vo-
ear Ado Sa-
prium.
Calocerus
Mediolani
martyrium
subit.

multis cum opprobrijs trahi iussit. Calocerus
rò * Fabricio cuidā apud Alpes Cotias traditus
postquam multa ibidem pro Christi nomine pe-
pessus esset, ad extremum Mediolanum redactus
præclaram martyrij coronam accepit.

Porro Faustinus & Iouita Romam perducti,
cum ab Hadriano: ad immolandum dijs compel-
lerentur, ipsique maiori constantia resisterent, de
populum cum verbo fidei, tum exemplo virtutis,
ab impia idolorum superstitione ad Christum
attraherent, Hadrianus, nè grauiora impietatis
suz damna ab illis pateretur, eos Aureliano Ce-
mici extremo afficiendos supplicio tradidit. Qui
cum eos ad Brixianam ciuitatem reduxisset: &
multis nequiquam verbis, de immolandis deo-
rum sacrificijs compellasset, iussit eos extra Ciui-
tatis portam in via Cremonensi capitalem subire
sententiam. Quam positis in terram genibus, lacri-
cum gratiarum actione à lictoribus exceperunt,
quintodecimo Kalend. Martiarum.

Faustinus &
Iouita de-
collantur.

Vide Caf.
Baron. An-
nal. Tom. 2.

CERTAMEN S. ONESIMI, DISCI-
puli S. Pauli Apostoli, primi post S. Timotheum, E-
piscopi, ex eo quod est per Metaphra-
sten. Martyrium fortiter consummatum an-
no Redemp. human. 110. Anaclet.

8. Traian. Imp. 11.

16. Februar.

Onesimus
sistitur ad
tribunal.
Præclara
laudes O-
nesimi.

Cum Romæ Satanas suam in Christi seruos
maximè exerceret rabiem, Onesimus, Pau-
li Apostolorum principis discipulus egre-
gius, fuit à Præfecto vrbs Tertullo ad Traiani
Imperatoris tribunal furibundè protractus. Hic
est Onesimus ille qui Apostolicis decoratur testi-
monijs. Hic est, qui sua integritate vitæ, & morum
probitate, diuino illi Paulo persuasit, vt literis
pro

pro eo apud Philemonem dominum suum intercederet. Hic est qui seruilis necessitatis vincula, præclaris actionibus dissoluit, & integram libertatem eximia sanctitate adeptus est. Hic est qui egregio pietatis studio Christi Apostolis in carcere & vinculis constitutis fidelissimè ministravit. Hic qui tam præclarum ab Apostolo testimonium consecutus est, ut eum intima dilectione, & filium & fratrem appellauerit. Sic enim ad Philemonem scribens, inquit: Rogo te pro filio meo, quem ego genui in vinculis meis, Onesimum aliquando tibi inutilem, nunc autem tibi & mihi utilem, quem misi. Tu autem eum, hoc est, mea viscera accipe; quem ego volebam apud me retinere, ut pro te mihi seruiret in vinculis Evangelij.

Atque hæc quidem, quæ per tot laudes procedunt, planè ad bonorum omnium thesaurum appetendum sufficerent, quem Vas illud electio- nis & fratrem, & filium suum appellat: filiū qui dem, propter amoris magnitudinem, quo erga eū mirificè flagrabat: fratrem autem, quòd vinculo- rum omnium & tristitiæ se socium indiuiduum præberet. Atque hunc quidem, qui & corpus assiduò ieiunio, & animam precibus ac vigilijs contra diaboli tyrannidem præclare munierat: Tertullus ad tribunal adductum, quisnam, & cuius conditionis esset, interrogauit; Cui Onesimus li- berè ac còstanter respòdit; Christianus ego sum, olim quidem famulus hominis: nunc verò gratus Domini & Seruatoris nostri Iesu Christi seruus. Et quam occasione, inquit Præfectus, & quo precio in nouum hoc dominium translatus es? Cui Onesimus: Occasione, inquit, certè non alia, quàm veritatis: & odio cultus simulacrorum, Pre-

Onesimus
Pauli filius
& frater.

Onesimus
sistitur Præ-
fecto, & illi
præclare re-
spondet.

Precium verò quo redemptus sum, est preciosissimus Domini nostri Iesu Christi sanguis, quod morte ad veram & sempiternam vitam transiimus. Cui Præfectus: Vellem, inquit, ut tu rationibus ac scripturis nobis probabili aliquo argumento hac de re differeres. Tùm Onesimus luculenta sanè oratione præclare de Christiana pietate multa disseruit, & multiplicem impietatem, qua simulacrorum cultores nefariè pollutos esse dicebat, egregiè confutavit. Ac postremò, Præfectum enixè rogavit, atque obtestatus est, nè certissimo æternæ perditionis suæ periculo oblatam veritatis lucem à se repelleret.

Onesimus
in carcerem
conijcitur.

Præfectus placidè quidem Onesimi orationem ad aures admisit, sed nihilominus virum sanctum cum ijs qui illi adhærebant, in carcerem tenebrosissimum coniecit; vbi postquam totos decem & octo dies in summis afflictionibus perdurasset: fuit ab ipso Tertullo sub specioso quodam siccæ clementiæ prætextu, è civitate expulsi, nè confluentem vndique populum ad simile certamen cum Imperatoris dedecore inuicta virtute subeundum, excitaret, confirmaretque. At Onesimus è carcere eiectus, cum Apitione, strenuo in veri Dei cultu commilitone, Puteolos abiit, ibidemque Christianorum numerum, divini verbi prædicatione mirum in modum auxit multiplicavitque, prorsus ut Tertullus eo pietatis studio ad tam acrem furorem provocatus fuerit, ut missis furoris sui satellitibus, ad atrocissima supplicia atque cædem pertraxerit.

Onesimus
multos con-
vertit ad
Christum.

Onesimus
cū Apitione
iterum com-
prehenditur.

Fuerunt tunc sancti à satellitibus hunc ferè in modum comprehensi, & Præfecto furorem ac cædem spiranti oblatis, Manus lignis quibusdam crudelissimè affixerunt, latera verò ac dorso affixæ

torquebant, donec in conspectum iudicis ad tribunal venirent. Quòd mox ut ventum fuit, Onesimus à quatuor viris extensus, virgis immaniter caesus est, ut non modo supplicio sed multò magis ignominia afficeretur. Sed cum vir sanctissimus in tormentis exultaret, & ignominiam illam summam decus ac gloriam reputaret, Præfectus verbera verberibus tanta crudelitate multiplicavit, quoad Onesimus. disruptis omnibus corporis venis, supinus volueretur, atque tibijs & femoribus fractis, solutoq; mortalitatis ergastulo, ad immortalam coronam lætus euolaret. 15. Kalend. Martias. Sacræ illius reliquiæ, fuerunt à muliere quadam Imperatoriò sanguine clara, summo cum honore ac reuerentià exceptæ, & in thecam argenteam reconditæ. Indè autem postea, ad locum, vbi fuerat Episcopus ordinatus, (Ephesum nempe) translata. Ad gloriam Domini nostri Iesu Christi, cui potentia & honor cum Patre & Spiritu sancto in secula seculorum. Amen.

MARTYRIVM S. IVLIANÆ VIRGINIS & martyris, ex eo quod Simeon Metaphrastes conscripsit. Passa est anno à Christo nato 290. Sub Imperatore Maximo.

Fuit in ciuitate Nicomedia, virgo quædam Iuliana nomine, incredibili sanè pulchritudine, & tam præclaris animi dotibus prædita, ut ex assidua rerum conditarum contemplatione, in vnus & omnipotentis Dei cognitionem venerit; repudiatoque idolorum cultu (cui uterque parens nefariè admodum deditus erat) omnem vitam suam orationi & sacrarum literarum lectioni traderet. Erat autem eodem tempore vir qui-

Cœditur virgis atrocissimè.

Moritur in tormentis.

Corpus eius in theca argentea reponitur, sed postea transfertur.

Vide Cas. Baron. not in marty. Rom.

16. Februar.

Iulianæ virginis præclaræ dotes.